


# Alkitab Buat Bocah

## Nampilin

Yosua  
Nyeng  
Ngambil  
Tanggung  
Jawab



Nyeng nulis: Edward Hughes

Nyeng bikin gambar: Janie Forest  
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.



Musa udah mati. Yosua tau kalo sekarang Tuhan milih dia buat mimpin bangsa Israel. Sebelon Yosua nyiapin tentaranya, dia kudu nyiapin dirinya dewek dulu. Tuhan ngejanjiin kemenangan ama kemakmuran sama Yosua di Tanah Perjanjian kalo orang Israel bakan terus nurutin Firman Tuhan.



Orang-orang Israel janji buat ngikutin Yosua ama selalu nurutin Firman Tuhan.



Dengan arif,  
pemimpin baru itu  
ngirim tukang  
nginte ke Kanaan  
buat melajarin  
Pertahanan di kota  
Yerikho nyeng  
kuat. Pertempuran  
Istrael nyewng  
pertama bakalan  
meledug  
di sono.






Seorang ada nyeng bilang ke Raja Yerikho kalo ada nyeng nginte di kota. Dia ngirim tentaranya buat nyariin dan nemuin mereka. Nyariin tukang nginte dimulain di rumah Rahab, dimana orang-orang pada nginep. Tentara-tentara itu ngegedorin pintu rumah pake cara kasar bangar. Cepet-cepet, Rahab ngumpetin mereka di bawah dami.




Pas tentara-tentara  
itu pada pegih, Rahab  
make tali warna merah  
tua buat nurunin  
mereka dengan selamet  
lewat tembok kota.  
Ngapah ia mao nulungin  
tukang nginte itu?  
Sebab dia tau kalo  
Tuhan ada sama  
mereka. Dia pengen  
Tuhan nyelametin idupnya.  
Tukang nginte itu janji  
buat nyelametin Rahab  
ama keluarganya.




Sebelon sampe kota Yerikho, orang-orang Israel kudu nyembrangin Sungai Yordan buat masuk ke Kanaan, Tanah Perjanjian. Tapi kaga ada sasak di sono! Pegimana bisa orang-orang pada nyeberang.



Tuhan ngomong sama Yosua kalo imam kudu mimpin tentara dan orang-orang buat ngebawa tabut perjanjian berisi Sepuluh Perentah Tuhan. Pas kaki para imam itu napak di pinggir kali, Tuhan bikin satu keajaiban. Tuhan bikin jalan kering lewat aer.




Seudahnya semua orang pada nyaberang dengan selamet, mereka nempatin dua belas batu gede di tempat mereka nginep dan dua belas lagi di tengah-tengah kali Kanaan. Ini bakal ngingetin orang-orang ini buat ngajarin sama anak-anak mereka soal kuasa ama kasih Tuhan nyeng gede.



Yerikho punya tembok nyeng  
tebel ama kuat. Pas Yosua  
ngerencanain serbuannya,  
Tuhan ngirim seorang Kapiten  
dari tentaraNya di sorga buat  
ngingetin pemimpin  
Israel nyeng baru itu  
kalo Tuhan nyeng  
menangin perang  
buat jamaahNya.







Tuhan bilangn sama Yosua supaya nyerang Yerikho. Ini satu niat nyeng aneh. Jamaah Tuhan kudu bererod ngelilingin kota sekali seari selama enem ari, dan tujuh kali pada ari ke tujuh. Lantas mereka kudu niup terompet dan betereak, dan tembok-tembok kota itu bakalan rontog.



Yosua ama tentaranya ngerjain kaya apa nyeng  
diperentah Tuhan. Bisa jadi penduduk kota Yerikho  
nawain mereka. Tapi udah nyeng ketujuh  
bererod pada ari ketujuh imam niup  
terompet tanduk domba laki. Dan kaya

apa nyeng dijanjiin  
Tuhan... TEMBOK  
YERIKHO NYENG  
HEBAT ITU RONTOG!





Cuman rumah Rahab nyeng selamet. Dia ngegantungin benang kirmizi (tali nyeng warnanya merah) di jendela. Cepet-cepet orang-orang Yosua nyelametin Rahab ama keluarganya. Lantas Yerikho diancurin, atas perentah Tuhan.



Bener-bener bangat, Yosua ngasih sesembahan emas,



perak ama banda Yerikho  
buat ngelayanin Tuhan.

Lantas dia mengutuk siapa aja  
nyeng nyoba-nyoba buat ngediriin lagi kota  
nyeng jahat itu. Cepet bangat orang di  
Kanaan pada ngedenger pegimana Yosua  
ngalahin Yerikho. Mereka tau kalo  
Tuhan ada sama jamaahNya.



Yosua Nyeng Ngambil Tanggung Jawab

Sebuah cerita dari perkataannya Tuhan, Alkitab

Ditemuin di

Yosua 1-6

“Palang pintu Firman Engkau ngasih terang.”  
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

